

O Pleno da Corporación Provincial na súa sesión ordinaria do día 28 de xuño de 2024 adoptou, entre outros, o seguinte acordo, que na súa parte dispositiva di:

2.8218.- **APROBACIÓN DA CONTA XERAL CORRESPONDENTE Ó EXERCICIO 2023 (EXPTES. 2024028366-2024006887)**

Unha vez formada pola Intervención a Conta Xeral da Deputación de Pontevedra correspondente ó exercicio 2023, reúnense as Deputadas e Deputados integrantes da Comisión Especial de Contas da Deputación Provincial de Pontevedra co obxecto de someter a informe da Comisión a Conta Xeral (nos termos establecidos no artigo 212.2 do Real Decreto Lexislativo 2/2004, de 5 de marzo, polo que se aproba o Texto refundido da Lei Reguladora das Facendas Locais), que inclúe a conta da propia Deputación de Pontevedra, a da Escola Universitaria de Enfermería, a do Consorcio Provincial de Pontevedra para a prestación do Servizo contra incendios e salvamento, a do Consorcio para o Servizo contra incendios e salvamento das Comarcas do Deza e Tabeirós-Terra de Montes, e a conta consolidada.

Resultando que a Conta Xeral da Deputación de Pontevedra do exercicio 2023, a consolidada, a da Escola Universitaria de Enfermería, a do Consorcio Provincial de Pontevedra para a prestación do Servizo contra incendios e salvamento, é rendida polo Presidente da Deputación, e no caso do Consorcio para o Servizo contra incendios e salvamento das Comarcas do Deza e Tabeirós-Terra de Montes é rendida polo Presidente do Consorcio.

Resultando que a Comisión Especial de Contas na sesión celebrada o 24 de maio de 2024 acordou por maioría, cos votos a favor das Deputadas e Deputados do grupo provincial do Partido Popular, e as abstencións das Deputadas e Deputados dos grupos provinciais do PSdeG-PSOE e do BNG, emitir informe favorable sobre o expediente da Conta Xeral da Deputación de Pontevedra correspondente ó exercicio de 2023, que inclúe tanto a conta consolidada, a da propia Deputación de Pontevedra, a da Escola Universitaria de Enfermería, a do Consorcio Provincial de Pontevedra para a prestación do Servizo contra incendios e salvamento, e a do Consorcio para o Servizo contra incendios e salvamento das Comarcas do Deza e Tabeirós-Terra de Montes, nos termos e coa documentación que consta no expediente.

Resultando que, en cumprimento co disposto no artigo 212.3 do Texto refundido da Lei Reguladora das Facendas Locais, aprobado polo Real decreto legislativo 2/2004, de 5 de marzo, a Conta Xeral da Deputación de Pontevedra do exercicio 2023 foi exposta ó público a través dun anuncio publicado no Boletín Oficial da Provincia de Pontevedra número 102, de data 27 de maio de 2024, por un prazo de quince días durante os cales as persoas interesadas podían presentar as reclamacións, reparos ou observacións que estimaran pertinentes ó citado expediente. Este prazo de exposición pública iniciouse o día 28 de maio de 2024, e finalizou o día 17 de xuño de 2024 (ambos inclusive).



Resultando que durante o prazo de exposición pública non tivo entrada no Rexistro electrónico da Deputación de Pontevedra ningunha reclamación, reparo ou observación ó expediente da Conta Xeral da Deputación de Pontevedra do exercicio 2023, segundo consta na certificación do Secretario Xeral da Deputación de Pontevedra de data 20 de xuño de 2024.

Considerando o establecido no artigo 116 da Lei 7/1985, de 2 de abril, Reguladora das Bases de Réxime Local; nos artigos 208 a 212 do Real decreto lexislativo 2/2004, de 5 de marzo, polo que se aproba o Texto refundido da Lei Reguladora das Facendas Locais; nos artigos 89 a 105 do Real decreto 500/90, de 20 de abril, e nas regras 44 a 51 da Orde HAP/1781/2013, de 20 de setembro, pola que se aproba a instrución do modelo normal de contabilidade local.

O Pleno, de conformidade co ditame favorable da Comisión Especial de Contas acorda por maioría, cos votos a favor do PP e do BNG e coas abstencións do PSdeG-PSOE:

1. Aprobar a Conta Xeral da Deputación de Pontevedra correspondente ó exercicio 2023, que inclúe tanto a consolidada, como a da propia Deputación de Pontevedra, a da Escola Universitaria de Enfermería, a do Consorcio Provincial de Pontevedra para a prestación do Servizo contra incendios e salvamento, e a do Consorcio para o Servizo contra incendios e salvamento das Comarcas do Deza e Tabeirós-Terra de Montes.
2. Rendir a Conta Xeral da Deputación de Pontevedra correspondente ó exercicio 2023 así aprobada e toda a documentación que a integra ó Consello de Contas de Galicia.

O que lle comunico a Vde. para o seu coñecemento e efectos, coa salvidade que establece o art. 206 do RD 2568/86, de 28 de novembro.

Pontevedra, 2 de xullo de 2024

O Secretario

(Asinado dixitalmente na data que figura á marxe)

Contra o presente acto, que esgota a vía administrativa, poderá interporse recurso contencioso-administrativo ante o Xulgado competente deste orde, no prazo de 2 meses contados desde o día seguinte ao da súa notificación (arts. 14 e 46 da Lei 29/1998, de 13 de xullo). Non obstante, potestativamente, poderá dirixirse ao órgano autor deste acordo o requirimento previo a que alude o art. 44 da Lei 29/1998, de 13 de xullo, reguladora da Xurisdición Contencioso-administrativa, tamén no prazo de 2 meses contados desde o día seguinte ao da súa notificación. Isto sen prexuízo de interpor calquera outro recurso que estime e sexa conforme a Dereito.

